

邦畿水利集說

業從湖南書估購得邦哉水利集說四卷題仁和抗世駿輯
失其前序之半附九十九定考一卷前有沈聯芳序者者熟悉
此直水道利病治之翔實非身親民事歷有年所其多修通
殊不類董浦之生平疑非董浦所為若無佐證偶檢傳書堂
書目載有邦哉水利集說原稿二冊沈聯芳撰現歸東方園
書跋因假得之校讀一過乃知題董浦者書估作偽以欺人也
今補抄沈欽裴序一篇汪嘉孫跋一則又補完沈聯芳目錄
原稿有龔定盒校語及圈點以朱筆且歸一並將全書
詳加校勘補正為奪心用朱筆不復識別
往嘗耳聽水利莫盛於康雍兩朝之乾隆御宇以後雖迭

有興革但河道衰遠洪愴塌廢官吏虛應故事迄未
年而大壞沈君服官真隸十餘年目驗口詢會合衆說可陳
緩急方策皆心得談實為嘉慶以後言真隸水利者
第一深切著明之作碩甫先生付刊未果幸原稿尚存
弥足珍已

校讀未竟適逢某日啟署以飛檄轟炸開北印書館工
廠被焚又有東方圖書館之成灰燼一燬乃一擲筆三
歎幸未臘月廿二日葉榮葵識

以意東方圖書館燬于奉日壬午十一時為匪徒縱火全部焚燬損失
大殆甚於烽火一炬此本原稿因偶托而倖存印。鄭重錄送
留作紀念廿五日之記

邦畿水利集說序

邦畿水利集說五卷伯允戡山編輯也首述運河子牙河滹
沱河滏陽河次南北二泊東西二淀次永定河唐河漳河衛
河次系東諸水末綴以凡九淀考溯源窮流分支別派靡
不詳悉如指諸掌其文曰水曰地中猶人身之血脉也血脉
稍有壅阻則人必受病痛者有治之使愈水之有病待
治尤急治非其人利之而興即害之而伏治自吾人凡
潰而為害皆少因而為利直據河道源流惟系東
諸水別為一途其終自寧陵以出太行恒山以東千里
之水屏趨畿南會於直沽以入渤海昔汪應蛟有言

易水之汎金臺唐水之汎中山滏水之汎襄國漳沱之汎
恒山漳水之汎鄴下近代以來冀永豐玉津霸等處
營成水田並有明故使奏因水利而利之哉南七皆
為沃壤乎治之之道其要有二一曰浚減河以洩運河
也南北兩運河為傳送眾水歸海之道也西來大清河
子牙清河之水同會於天津之三岔口當伏汎盛漲時
如河來水改多而海門制沙一日再至互相壅抵水滿
潮盈消退而不速則海口易淤海口淤則上流不暢
上流不暢則有潰決之虞故凡治畿輔諸水必先治

運河以治運河必先分其入海之路別減河其首務矣減
河之設使兩運入三岔口之水稍減庶大清子牙諸水得以寬
然東注南運上承津汶衛諸河之水而有減河二道一曰捷
地壩口在滄州南十二里一曰興濟壩口在青縣南三十里
皆以岐口海港為歸宿步運匯潮白諸河之水地勢北
高南下若建瓴然而有減河二道一曰王家務壩口在孫
園廳屬一曰窪兒港壩口在楊村廳屬因匯七里海
入到海河皆宜疏通毋俾占田一曰別濬治以殺水勢
也濬治之在山西也其派不驚初而占治河通自二水

合流而滹沱之勢遂猛渾濤駭浪所之輒為害雍正
四年怡賢親王奏塞治河入滹沱之路平山近河各村
營或掘田四五十畝引河水以資灌溉咸樂利焉
惟是滹沱性悍挾沙而河身遽徙去定治以
亦流急不旋踵而治滹沱以合乾隆五十九年宣壽
平山之文大溜南徙傍河水田中創文并蠶桑
城之城陷西北隅塞黃兒營窪口北泊淤平嘉慶二
年大水瀉入滹沱而漫黃兒營鄉開河河身墮塞
亦通三之年間再疏再淤軍署隆平兩泊之文竟成
巨浸乃今一計惟育以止怡賢親王舊議塞治河

入澤之能使澤自澤而治自治既治水下流与滏陽河
合滏陽治而強澤失治而弱澤弱則去潰決之患滏
陽則有宣洩之功一曰潞泊淀以潞水也南北二泊為正
順廣二郡諸河匯歸之數古大陸澤地也在任縣北為
南泊在寧晉北為北泊均恃滏河為宣洩之滏河下
流既暢泊中積淤旋去潞治東西二淀以保定縣之張
青口為界上為西淀下為東淀西淀雄跨郭教邑
之境既廣且深西北諸山之水皆匯焉西北自安肅
來北曰宣河南自高陽來北曰唐河沙河滏河北自
雄縣來北曰白溝河拒馬河之下流也西自易為來

者曰依城河東河徐河一畝難距方順龍泉諸水之
所匯也東淀以大清河為經流自張青口以下名玉帶河
東至花園為會同河匯哉南之水有節宣俞受之用
今日就淤淺難以驟治宜於靜海孫權家口添設減
河一道以導運渾之至以少洩一分南運之水即多洩
一分東淀之水況是東減河前經 怡賢親王奏
准由中決要因勢利導在當日用之為南運分減
之法至今日用之即為溝洫東淀之計不特於淀
有益即於運河亦屬有裨權家口改用乃北淀池
葦草大加芟殄使水中招葉渾冬自去挂淤之

病然後再謀用船撈淺此皆從之要者也一日濬子
牙西支之河也濬湓會流至戲孫臧家橋以下名子牙
河至張家莊又分爲二河正河行水四分支河行水
一分乾隆二十九年濬支河以支爲正今支河只餘正河
尤甚夫濬沱來源甚遠又支正定西南諸山之水
滏陽并兩泊之水奔騰澎湃會合於張首以兩河分
支不足今并一河獨此於淺此上將念祖橋等
亦漫溢廣同以由來也開挑詎容或緩歟又乾
隆十年奏建隔堤堤使子牙之大清河分道而
馳亦不相入今多缺口均宜補築一日疏永定河

下流也永定河自築堤以後彰德固霸之河威慶
安恬惟恐為流沙易積昔日窪下之水與河已
變為高原矣引水為導引幸有金門閘咸水引
河一道可束以長堤導之南注由固安霸州入會
同河藉清流以制濁水防江南蓄清敵黃之備
亦既保其久而不虞然五十年之間安瀾可必一
日治文身之水以利畝田也又身居大河之下流素
稱水鄉治文身之水施工不必急矣身居境內一閉閘
勝芳舊河使水由東趨再于上游閘中其可以分其
冲突之勢一修白廣身橫堤長城老堤以禦北

派以修築耳灣橫隄以防西來之水唐貞
二十二年徐司馬元禹攝篆又上議在保定境內
三閘引水以防旱於縣境龍老灣建閘俾水以防
澇嗣以阻於保定不果以今地勢論之龍老
灣為文安之窪交通於水俱由由此歸
淀之依徐司馬原議於彼處建閘之產以時
起閉以爲三閘田製以車窰力以之何患不
成樂土耶其言治河之大要如此一尤游宦
畿輔十有餘年所之郡縣往往以治派討論入境

啓淑或執二者老以窮究其原委歸而二者
之於書其用心之謂勤矣乃其子少能守姜諸
書肆余友陳碩甫煥得之宣武門外謀付諸
梓屬余爲之序碩甫以有心人也名聯芳由孫
佐擢任青島知縣卒於官道光三年天正朔欽
裴謹序

昔趙先生清獻先生震同洪直隸河渠
志後有妄人竊取以獻於朝遂得官于
後王先生念孫孰於此所以利害為何圖
以示其孫憲孫讀之嘆先生經世之學
未竟其用嫉惡如風遂為忌者所中一歎
而不可振也 沈君是書貫串直隸水道
形勢宣世之法以備采擇見諸施行政
之高牙大毒藉虛耗所响賊害生民共三

後此冊而此泚汗下哉道光七年十二月汪
喜孫跋

汪孟慈先生原名喜孫後改名喜甫此跋前作喜聰又署
喜孫後以作喜孫因依原稿過錄未敢臆改茲識

序

水之行地中猶人身之血脈也血脈

則人必受病病者可治之使愈然則水之有病
其待治尤亟東坡云水利不可護之於天專咎
人事之不修此之謂也顧治清水易治濁水難
畿輔地方千有餘里大小川瀆百有餘條其間
若永定若滹沱若漳若治皆發源於西北山中
其來也挾沙而行所至輒淤墊爲患元明以來
創議修濬代有其人迨我

國朝

列聖軫念民依一遇澇年河水偶有泛溢或

親臨指示或

命使經營頒帑發粟建官設兵凡所以為民興利除害者

思至溥也

澤至遠也生畿甸者安享太平旱澇有脩亦遂習焉不覺惟是水道經行無久而不變之勢稽自康熙

三十九年

聖祖親閱河防

特授方畧各河普度安恬閱三十餘歲至

世宗初年 怡賢親王奉

命周歷畿疆大興水利凡以廣澤無不順軌安流又

閱三十餘載至乾隆二十九年 前制府方恪敏
公奏辦水利因地勢順水性塞者通之淺者深
之激者平之維時

欽使阿文義公來文達公奉

命巡行相度裁無虛日即一濬一渠靡不經畫盡善

數十年米民安樂利由今日而追溯之河道之變
遷未有閱一世而不資濬治者今教過時可
夫豈補漏救弊所能為功者哉聯備負裁輔
十有餘年每當捧檄奔馳所過郡縣往往眩
流沿討入浣諮諏或執一二耆老以窮究其原委
歸而一一筆之於書數年以來歲南數六川雖未
能遍為詳歷而其中今昔情形之不同一方利害
之所係以復日聚月積嘉萃聚成帙目嘉慶六年
大水後河道淤積益增陸岸之殘缺殆甚

民瘼攸閔無刻不上厪

宵旰近奉

制府顏 通飭確勘妥議洋報以為次第興
舉之圖仰見

鴻慈溥逮咸溺在懷水利之興修不日定將

奏清

聯

雖謫陋既已職在河壩修防疏濬必分內

所當講求謹就所知按諸志乘河圖輯成四
卷凡前人已創之議論或議而未行或行而未
竟以及輿論之可採臆見之偶得悉載於編

以備採擇名曰集說以志不敢妄奉末議

云云

肯

嘉慶八年閏二月穀旦鴻城沈聆芳識

卷一 運河

子牙河

滹沱河

滏陽河

南北二河

卷二 東西兩淀

卷三 永定河

廣河

津河

衛河

以上各河西南之水

卷四 多東諸水

附總論

急工緩工

卷五 九十九淀考

行年後學自珍讀後跋

時道光壬午閏三月

邦畿水利集說目錄

甘泉汪憲孫讀

卷之一

南北運河

捷地減河 興濟減河 筐兒港減河

王家務減河 老黃河 宣惠河 石碑河

七里海 塌河等淀

附山東四女寺哨馬營兩減河

子牙河

大洋河 江江河 十頃窪 古沙河

普頭河 樂河 漫河 亭子河 清河

三丈黑龍港 倒流河 平成河 夾河

劉麟河

淳沱河

冶河 綿蔓水 嵩陽河 沕沕水 微水

井陘水 大洋渠 七里澗 西韓河

激河

滏陽河

渚河 沁河 落漠水 賀蘭河 泥河

羊渠河 牝牛河 澗河 玉泉池

八字澗

南北二泊

澧河 新澧河 洺河 百泉河 牛尾河

野河 沙河 柳林河 順水河 聖水河

蔡河 馬河 李陽河 洪河 達活河

白馬河 狼溝河

浚河 猪龍河 沙河 洺河 洺河

槐河 午河 泥河 七里河 鯀河

老僧河

神泉河

魏河

金河

邦畿水利集說卷一

仁和杭世駿輯

南北運成河

元和沈聯芳戴山編輯

謹按南北兩運河為傳送衆水歸海之道與西
來大清子牙諸河之水同會於天津之三岔河
當伏汎盛漲時各河來水既多兼之海門潮汐
一日再至互相壅抵是以乾隆五十九年嘉慶
二六等年水滿潮盈消退不速往往節過白露
半月餘各河水漲不消是欲治畿輔諸水必先
治運河欲治運河必先分其入海之路使無奪

門之病然則戒河其首務矣運河之有戒河所以使其分途歸海既除運河隄岸之險更欲使其分流散沙遜段分洩使兩運入三岔口之水稍減庶大清子牙諸水得以寬然東注前人經畫法美意良此之不治而徒於上游施工亦何益哉

郭運上承漳衛汶諸河之水有戒河二道一曰捷地壩口在滄州南十二里河長一百八里由母猪港歸歧口入海隄至劉三家莊而止舊設涵

洞五座於汛後河水消落之時宣洩滙水通年
河底積淤過多河形高仰涵洞久廢水漲時往
往由龔家口南轉淹及隄南附近村庄或波及
南皮邊境而近隄居民藉以淤高地畝不糞而
肥不以決溢為患稍遠之處水清無泥即有害
無利矣一日興濟壩口在青縣南三十里河長
九十六里經同居亦入於毋猪港並以歧口海
港為歸宿蔡縣以西屬青縣蔡縣以東屬滄州
考興濟縣舊志明成化三年間因會通河水泛

漲浚此以殺其勢後堤岸圯塌水旁溢為民田

害嘉靖十五年都水都郎中楊旦奏准開濬興

濟知縣王王朝相董其役仍舊蹟疏鑿至豐台堡

迤東入海又相傳興濟或河係明宏治年間孝

張氏以此舊登怡賢親王查辦水利疏云滄州之南

有磚河青縣之南有興濟河乃昔年分減衛水

故道奏於捷地興濟各建石壩一座蓋減河之

由來已久壩口向俱有五洞石閘捷地二洞過

水興濟今三洞過水緣初濬濟之時下游隄身卑

薄恐為附近田禾害故立法如此嗣後積淤日多每年
疏濬培築隄日高原過水不慮其多而慮其少乾隆三

十六年

高宗純皇帝東巡舟經南運

親加相度

諭令改閘為壩設立歲修三十餘年來遵行不替惟歲修係有

限之款積淤未免日漸增盈非得大加開挑不可下游

如李風口玉堂灣大溝等處並須濬治

北運匯潮白諸河之水地勢北高南下勢若建瓴亦有減

明史河渠志元統間
曰河決要覽渡命武
臣伯朱晃也去吳中役
二萬人古河而務二十里
中以此

河二道一曰王家務壩口在務關廳屬河長一百四十

里自亂石壩經七里海入薊運海河東洶窪水由後海
來會之其附近有潘光莊劉快莊賈家沽道腰河各引
河皆其支流也一曰筐光莊港壩口在楊村廳屬有兩
股南股河長五十里由麥子淀合西隄頭引河北股河
長四十九里經塌河淀油香淀鯽魚淀青角淀同匯七
里海入薊運海河謹按康熙三十八年河決武清縣筐
光港次年

命員外牛鈕等於冲決處建減水石壩二十丈開挖引河而注之塌河淀由賈家沽道洩入海河康熙五十年以河西務工程險要復

親臨指授命牛鈕開挖引河復以河西務城東有舊河形對新河下口至二里屯長四百餘丈

特命開直河一道次年工成雍正五年河水泛溢東西岸漫決者四處六年 怡賢親王奏拓筐兒港舊壩濶六十丈展挖引河改築長堤七年疏濬賈家沽道分減既多消洩亦暢復於河西務上流之青灣建壩四十丈開引河

注之七里海門展挖寧車沽河導七里海水而洩之北塘口所費帑金六十餘萬此歷來浚治之大略也查北運兩減河情形與南運兩減河又有不同北減河地多流沙洩水之處散而不束易於淤積每遇伏秋大雨施行之際其所經武清寶坻寧河天津等縣各處澇水已難消洩而塌河淀七里海後海等處之水又復同時並漲不免倒漾減河附近諸村一百七十餘村恒受淹浸之患兩岸雖均有隄埝歲久殘缺甚有並無隄形者修築詎容稍緩歟其自七里海東南由淮魚淀至樂于甸十餘里

間為水歸薊運海之路均應一併濬治

再南運上游山東德州之哨馬營恩縣之四女寺亦有減

水壩兩座

運河入山東恩縣東行二十六里經故城南門抵孟灣計六里餘又入山東德州衛東行

二十里為四女寺壩轉北行五十里二里為哨馬營又五十里為至半截碑入景州境

運河自山東臨清板閘至滄州捷地綿長五百餘里別

無分減之路非藉二壩以為分洩景州吳橋東光一帶

防禦未免堪虞乾隆二十九年水利案內

欽使阿文襄公奏文達公奏明行令山東勘估辦理惟東省運

河但憂水小不患水大故此二壩工程在東省視為緩

圖而直省則有釜底抽薪之益殊不知東省自東昌府以至德州亦別無分減之路非止有利於畿疆也查哨馬營四女寺之水俱會於直隸之老黃河經寧津吳橋南皮鹽山慶雲等縣仍從山東海豐入海上游東省既已開通則凡在直隸老黃河均應挑濬惟河身甚寬廣計長二百二十餘里從前辦理亦只河底抽槽導其就下之勢今河身淤墊益高治之尤為不易

按四女寺壩開於明宏治年間哨馬營開於明永樂年間

國朝康熙四十四年雍正五年九年十三等年均經修治
實於東直大有裨益查哨馬營壩口係旁側瀉水不若
四女寺迎溜頂冲尤為得地計臨清板閘至四女寺共
二百四十里四女寺至哨馬營不過五十二里是二壩
所重在四女寺倘厚集夫役將四女寺下游開挖通暢
哨馬營即為可緩之工考明永年樂十年尚書宋禮於
德州西北開一小河東北流十三里入老黃河至海豐
之大沽口入海又明宏治中都御史白昂於德州之南

考明永年樂十年尚書宋禮於
行山後

四女寺鑿裡河至九龍口入老黃河歸海嘉靖十五年
工部郎中楊旦於四女寺建閘萬歷二年以後漳水不
從館陶入衛於是運河各汎泛溢無虞而舊制盡廢

本朝康熙三十六年漳水復出館陶運河驟漲自臨清以
北頓苦決溢四十四年重修四女寺減

水開雍正四年改為漢水壩九年挑挖引河入
九龍口并疏濬老舊河道十三年東省奏請
於德州城北向烏宮建滾水壩開挑引河由陳
公堤至曹家口入鈞盤河是則今山東四女寺
壩即白昂所開之裡河也哨馬
營即明宋禮所開之小河也

南運匯流諸河并減河下游會合諸水

漳河 另有專條

衛河 另有專條

汶水 另有專條

老黃河 河間府志老黃河在吳橋縣西南導山

東恩縣四女寺閘之水由德州入境東北行至

縣屬王泉庄會鈎盤河入寧津縣又北行轉東

入南皮縣山東通志老黃河自直隸元城縣至

德州為禹釀二渠之貝邱川

貝邱漢時屬清河郡今為東省東昌

府清平縣至王莽時遂為屯氏河支瀆自德州至樂

陵為鬲津故道自直隸鹽山至東省海豐縣大

沽河口則唐時所開之無棣溝也今會為一渠

通謂之老黃河河間府志又云運河之東與山

東隣境所在尚有旱河故道而以老黃河宣惠河為統率之區查老黃河自吳橋西南接德州入境東北行數百里有時家庄渠同大吳庄渠入之又東北行若干里古漫河統率衆渠自南入之又若干里鈎盤河自西來入之又若干里入於寧津又東北行歸於天津府之南皮縣宣惠河 巨吳橋東光南皮滄州鹽山等縣境內長二百八十二里由新集入老黃河河間府志

宣惠河自吳橋縣水境西北行數里劉牙子庄
渠自南入之逕北行至東光有古沙河亦由吳
橋南來會之後東北流入於南皮乾隆五年吳
橋令端木長泓勸民開濬二十九年水利案內
間段挑挖

石碑河 並無來源匯東南滄一帶漚水由母緒
港與捷地減河會綿長一百五十四里乾隆二
十九年水利案內疏濬深通

北運匯流諸河并下游豬水大澤

白河 另有專條

潮河 另有專條

塌河等淀 見諸淀考

七里海 一統志在寶坻縣東南一百三十里注
洋如海為縣巨浸按七里海為北運西減河藉
以蓄洩之區海之西北為後海後海之西北為
鯽魚洶又北為香油洶海東南為曲里海地本

窪下雨多水滙則極目無涯惟去路甚狹往往
盈滿為患 怡賢親王查辦水利時拓濬寧車
沽長四十里尾閘始暢查七里海本無來源一
遇旱乾之歲附近居民往往就其邊界占種為
業甚或報墾升科遂至日久日窄此不特七里
海為然凡塌河等淀亦皆受此病今歷年已久
頗有積重難反之勢如必謀宣洩自當於去路
加之意耳

子牙河

潯滏會流至獻縣臧家橋以下名子牙河至大
城縣王家口計長一百九十八里自王家口循
大隄至天津西沽入三岔河計長九十里子牙亦可
名沿河大城縣志沿河自河間縣之龍華橋轉
入縣西南二十五里之馮村東北流逕十里灣
自南而東逕自洋渡四呈口至縣東二十五里
滙黑龍港河亦名交河從而北折繞縣東十二
里趙扶村又北經子牙村臧家橋以下西有千
故名子牙河亦名鹽河

里長隄為河間大城保障而河間之劉各庄念

祖橋於嘉慶五年間漫溢為患迤北大城境內
王蕃村乾隆二十九年水利案內建雙空石閘
二座以洩河間蒲塔窪等處瀝水向於閘外開
挑引河九里二分引水入榆錢窪第河水挾沙
而行引河久經淤平嘉慶五年秦明將王蕃村
閘移建於杜各庄仍循舊制次年子牙大漲倒
灌入閘並將新修廣安橫堤依舊沖刷此閘在
當日原為宣洩蒲塔窪等村瀝水而設今外河

河底高仰內水不能外瀉留之反有開門揖盜
之虞不若用土填塞培築堅厚之為得也考廣
隄一名寸金隄在大城縣境原以截河開野潦
北起不築則丈大坐受其害築之則蒲塔等村
永無涸出之日惟引於唐洋二河而杜各庄開
附近唐洋一帶滙水亦屬無多附近諸村浸淹
既塞外水不來內水亦能課其去當先絕其來
輕而乾涸易所謂不能課其去當先絕其來也
且蒲塔不過數村耳支大吏害極廣權具利害
亦當有輕重之分非有私於文大之民也說詳
末又高家口以下舊有冒門引河一道穿蘇家
窪行十五里仍歸正河今亦於平河流至張家

庄以下分正支兩河正河自張家庄至王口長
三十八里支河在其迤東經閭兒庄瓦子頭至
大城庄兒頭與正河會而附近蔡家窪張水亦
入焉查正河舊時行水四分支河行水六分乾
隆二十九年開挖支河其時即云支河分溜為
多以支作正今支河亦日就淤墊蓋艘往來頻
見阻淺正河並不能通舟矣夫滹沱來源甚遠
又受正定西南諸山水滄河并兩泊之流奔騰

滿悍會合北流前以兩河分洩之不足今并一
河漚然淤淺北上游念祖橋等處漫溢屢聞所
由來也開挑詎容或緩數數自是而下由大城庄
兒頭起至天津縣西沽壘道止長八十四里乾
隆十年奏建格淀隄與大清河分道而馳各不
相入又於三十七年蒙

高宗純皇帝按圖指示

命接文安縣三灘里之十里長隄至庄兒頭添築新隄

十五里共長九十九里

此溝沱入北障淀水南
淀舊道

東子牙又於三十七年大工案內自當城以下

至西沽二十四里改為疊道添建涵洞五座俾

正流由紅橋入運立法之初冀以分洩子牙盛

漲散於淀泊耳無如水勢就下王家河一帶地

勢卑下子牙正流遂折而西北冲刷疊道歸并

大清河入運而西紅橋之故道遂堙今查格淀隄

大城境內缺口十九處靜海境內二十餘處當

城以下疊道宛在水中是宜相其深淺接築成
隄無容建設涵洞紅橋故道依舊挑挖使大清
與子牙各為一塗庶有益於清河淀池不至淤
墊矣

子牙河故道有二一由獻縣完固口經黑龍港
分東西中三支皆下注新河口入於東淀一由
青縣杜林鎮經盤古廟至鮑家嘴入南運河自
子牙改由減災橋之後三支黑龍港遂為河間

猷縣交河等處宣洩水之道而群會於青縣
之空城亦不河亦名鹽河其來源既遠而故道
自河開流入分二支一支西流入文安縣石城淀
一北流又分三支一支西入文安縣黑母淀東一
支入火小窩口中一支入霸州文安縣黑母淀東
清三角淀入白河發輔通志牙河至王家口武
入淀之處分為二支一支沁西流經大安土橋利
至趙家莊又分為二支一支沁西流經大安土橋利
龍壘灣北支經三灘里至張官營北石溝河往
往橫截清流兼為堤防害一派東北低經瓦子
頭斷堤村岳莊頭村過王象泊抵台頭會清
河而東雍正三年怡賢親王奏請墮其西流
約東歸一四年今清河道王紘相度工費及凡
水過後南派自終正流由瓦子頭一派入淀為

堤在經行之道其餘故其在杜林鎮以南者向
道以精既又幾無所考
為漳漳故清遠東有清河一通縣馬迴公村
交河縣境北至清河頭村止以下並無河道由
賈家引河新挑二溝分洩由漳河故道至青縣
二十六戶底祝河嘴入舊溝洩河天安陳觀蔡
云總河王新命於杜林鎮之大渡口開橫河一
道道清河之流入鮑家嘴而上受景州之大洋
隔故運河清之入淳始此
河江江河千頃窪阜城之古沙河東光之普頭
河樂河交河之漫河獻縣之亭子河肅永其先
並由鮑家嘴入運鮑家嘴舊有兩空石開一座

乾隆二十九年水利案內以運河當盛漲之時
外水每多倒灌因於盤古廟西北地名十里窪
挑挖引河一道長七里九分今其地名引河頭使昔之
下注鮑家嘴之水俱由引河下會黑龍港而北
流歸子牙故道而鮑家嘴石閘遂用土瑱塞鎮
以高隄今引河以東故道亦將淤為平地矣
子牙新河在青縣廣福樓北焦家口康熙三十
九年

聖祖親

閱河工於子牙上游猷縣河間東西兩岸高築
長隄西接大城東接青縣靜海雙隄屹立各二
百餘里又以水勢合則猛分則弱擇於焦家口
間新河一道東北流至賈口入淀畿輔通志查
新河形勢由西南而趨東北從高就行直注獨
流大坑甚為徑捷但河身淺狹隄岸殘缺若深
濬而堅築之於焦家口分流之處建挑水壩通
子牙之溜移入新河刮刷愈深則王家口以上

無羨溢之虞即台頭一帶亦免墊淤之患矣按此則新河地勢本甚卑下

聖謨所及原係就其順下之勢今河身雖淤濬而通之工省而效易見也其新河入淀之處有賈口橫隄一道在靜海縣西境起自東賈口東北至劉家營與運河隄接原以防淀池之倒灌嘉慶六年淀水大漲倒漾南流橫隄冲刷水抵青縣城下不特民田受害運河隄背亦被冲刷殘損是

隄本係民修然附近居民避水遷徙大半民力
急切不能辦理亦須另為籌畫

入子牙故道諸河

大洋河 亦名沙河受故城縣一帶漚水入景
州南境下為惠民渠入阜城

江江河 自故城縣會曲流河即沙溪起自山東武城縣界

至景州因其遠景州之江江村故名

按二水自景州西南分流至州東向化屯合

入東光自乾隆五年浚治後邇年以來每至
夏秋雨集景州城南北積水汪洋驛路阻滯
查景州舊圖向有水溝七十二道今俱湮塞
不通迤東北千頃窪亦漸淤墊今每逢水發
即改道由州東張家河溝一帶繞道行走致
煩濟渡終非善計是在相其地勢開通下游
使水去迅速景州自無水患非僅僅在附城
左右疊道修橋所能為功者也

千頃窪 在景州東北三十里其地卑衍舊為
鍾水處方輿紀要明宣德中大河北決自德
州滑入境內知州劉深開渠導入此窪水患
遂息

古沙河 在阜城即景州大洋河下流也
普頭河 在東光縣西北

樂河 在東光縣西

漫河 在交河縣境河間府志漫河屬東光蓋

其經流二縣故兼載之

按古沙河昔頭河漫河皆江江大洋河下游
各河牽連交注舊俱入漳今並歸杜林故瀆
亭子河 自獻縣西南陳家庄流經縣南東流
入交河縣霍村合李村土河下歸子牙故道
考亭子河即交河志所載蛤螺河畿輔通志
蛤螺河在交河縣北二十五里下流入滹沱
河乾隆五年知縣趙洪烈開浚今又淤積查

猗縣南黑龍港河已成平地惟賴亭子河宣洩
潞水第河槽窄淺納水無多一加疏濬猗
南大道無慮阻塞

清河 在交河縣西二十五里漳水支流也自
縣西南入境北流逕富庄驛又東逕交河縣
東北六十五里散注於漳沱俗名清河頭相
傳五代梁時趙王鎔於此運糧以助晉李克
用之師故又名運糧河亦名鹽河乾隆四年

制府孫公嘉淦奏請自清河頭開挑新溝北
開買家引河注之古漳漳由青縣杜林鎮入
子牙改道

黑龍港河 有三支為河間獻縣涇水匯歸之
所西支自河間東北行經青縣遠南頭村達
於空城中支自獻縣雙堤口起經河間縣東
青縣徐家呈村入境下流過胡家店亦謂之
胡家店河東支亦自獻縣來至李家西河頭

村入青縣境經木門店至馬家橋入子牙故
道亦名馬家橋河下至青縣空城村三岔匯
而為一其自河間東行一丈又有王淋口河
入之係洩於家務窪內涇水乾隆五
年河間縣李
時憲濬

倒流河 在交河縣東北九十里縣東境之水
匯流於此西行四十里注於滹沱故曰倒流
亦名蔡河

平成河 在交河縣東北八十里一名陽氣寺

古河今淤

夾河 在吳橋縣東北十五里二水中分故名
入清河

劉麟河 在阜城縣七里索盧河自故城來會
之至交河合于漳

按劉麟河其水無源數年一至遇雨則泛漲
為患

滹沱河

滹沱河源出山西代州繁峙縣泰戲山一名武

王山在縣東九十里

寰宇記則源出繁峙東南孤阜山

由山西

五台孟縣至平山縣西北卧石口入直境經靈

壽正定藁城晉州至寧晉之營上村與滏水會

又經冀州衡水武邑過獻縣臧家橋以下則為

子牙河按桑欽水經無滹沱與涇水洛水即濁

漳巨馬篇中不過一二見元

歐陽

元功補正水

經引宋崇文總目云酈注四十卷今亡其五是
潯沱亦在所佚之中蓋水經實非完書也漢書
地理志言潯沱過郡九行千二百四十里代郡
鹵城潯沱河東至常山郡靈壽南貢衛水出東
南行唐市入潯沱至新信都國信都北東入海渤海
海郡平成曰徒駭河民河間府樂城受潯沱別水首
至東光入弓高河東至平舒入海皆有之而
源委究未悉此外如元和志太平寰宇記元史

河渠志方輿紀要畿輔地圖記所載滹沱經行之道今昔不同正定藁城而下屢經改徙故道不一故不脩錄滹沱之在山西也安流不驚初不與治河通自二水合流而滹沱之勢遂猛渾濤駭浪所至輒為害延祐間引閘治河自作一流滹沱水退十之三四後治河下流淤塞復入滹沱潰決如舊皇慶中議復之而旋廢雍正四年 怡賢親王奏塞治河入滹之路俾治河復

城應修成在杭山洪

循故道羣謂滹沱可慶安瀾其時平山近河各村營城稻田四百餘頃引河水以資灌溉咸樂利焉惟是滹沱水性驕悍挾沙而行河身遷徙無定治水亦湍急不旋踵而治滹復合乾隆五十九年靈壽平山之交大溜南徙平山傍河水田冲刷無算蠶桑城之城陷西北角塞黃兒營澄口北泊淤平蓋自廣陽隄廢而滹流日就南趨治之迄無良策以其故道言之自明永樂四

年南徙向劉村東流出武強界十六年劉村再塞改流衡水五花營導於漳河成化正德間由正定晉州紫城口紫城淤塞分為二支一支由寧晉一支東流自東鹿至深州城南已復合并會清水河入海至正德末年徙東鹿深州城北入武強衝獻縣古隄遂為深獻惠隆慶三年水大溢從天宮口決饒陽蓋河流不復歸故道矣前之議治此河者在明時有徐貞明鄧訓何棟

張淑紀誠宋繖而主不可濬者則惟王之棟一
人王正定人其疏最為通達迨我

國朝順治二年從冀州合漳水十三年又南徙藁
城南彭村經晉州周頭村入東鹿百尺橋口至
冀州歸清水河並行雍正三年決周頭村直衝
東鹿四年 怡賢親王奉

命查辦水利東之人士請障歸故道入寧晉泊 怡賢
親王以泊乃畿南數郡河流滙歸之所有節宣

翁受之功豈可復聽淤塞乃親行相度得舊河
一道由木邱至焦岡村引濬入濬乃自第四橋
開疏深通築隄周頭村障其東趨之勢而河遂
南徙經寧晉至冀州小窪村與濬合後又徙深
州數十年至乾隆二十四年忽又南徙至寧晉
營上村仍與濬會其時有開挖舊河之議前
制府方宮保以其所經乃故道遂疏罷之五十
九年夏秋異漲交口復決疏治未久至嘉慶二

年大水復至潯水南漫黃兒營新開河河身壅
塞不通滄水無宣洩之路三四年間再䟽再淤
寧晉隆平兩泊之交竟成巨浸嘉慶六年大水
泛濫潯水至小劉村忽分二股一自村南分流
由黃兒營注邱頭一自村北分流至大營上北
又分為二股一東南流注黃龍窪一東流經營
疙疸東合滄竈雖濁水不宜分流急應導之歸
并一槽俾無停積以今地勢論之廣陽隄萬難

再復漳沱現似北趨此不過因黃兒營一帶淤塞過高故泛濫四出此時只可因勢利導斷無復歸焦固故道之理且迤南地形窪下高庄窪上等村尚有小漳舊槽其不至復行阻絕淤水之路而倒灌南流者非水性也為今之計惟有復照 怡賢親王舊議塞治河入漳之路疏治水下游使漳自漳而治自治淤得治而強漳失治而弱洩口迤東在誌本名為東泊淤河得此

以為容蓄之地復循營疙疸以西舊隄稍加培
補並向西接築將營上西南一帶起建小隄仿
昔日 怡賢親王起築鹹河小隄遺意復於下
游一路將弩嘴淤沙悉行開除衡水橋下類加
疏濬庶去路暢達則上無留滯竊以為滹沱之
患非此不治特是治河亦頗難治矣治自元時
潰平山縣東嘉陽堰入滹至皇慶中議濬故道
先於平山縣西北河內改修滾水石壩下修龍

塘隄東南至水漲村改引河一道復於蒲吾橋
西開河里許又以栞城趙州境內地形低下跨
河多石橋恐阻塞為害議於栞城縣北聖母堂
開減水河今水河鋪即以殺其勢此當日修浚
治水故道也閱年既遠陵遷谷變今昔情形雖
或不同而枯河斷澗可尋而濬也所慮者治河
亦發源於山中又得綿蔓水之助大雨時行之
際水來必猛下游河槽容納不廣亦必將泛濫

而出棗趙大道不無阻隔是在下游俾可暢洩
耳按趙文奎治河考治河至趙會洩趣漳蓋治
河一入洸水其猛暴之勢遂平下至棗城西合
北洸河東流寧晉境內舟楫通行是洸亦潯南
一巨流也時兩岸苦高峻河槽不寬廣通泊之
處謂之洸口土人亦謂之孝口其上向有石閘
三座寧邑侍御蔡公駿建一在城西南一在丁
東村一在東汪明崇禎間河流淤塞閘亦
圯此兩岸居民舊日收水利而設今亦湮水中

故濬治在隄固而不使有阻濬浚在岸濶而不慮不深二河之工連類並舉相助為益者也

滹沱下游衡水境內老龍亭地方有三空石閘一座係方宮保奏請添建以洩冀州城外南窪之水南窪周四十餘里土人呼為南海今閘尚完好惟河身淤積漸高閘內之水雖至秋深不能外洩今宜於下游另為相度移建閘壩以資分洩又衡水石橋修於乾隆三十年今雖漸

損裂尚可緩修惟橋下積淤宜汛後年年挑通
庶上游無所壅滯

入潯各河附

冶河 即古太白渠源出山西平定州松嶺由
娘子關入直經井陘平山栾城合洮此其故
道也漢志太白渠首受綿蔓水東南至下曲
陽入斯洮漢元貞間開渠於栾城北聖母堂
東合洮水至寧晉亦曰蒲吾渠永平十年開

通漕舡後遇水溢逆薪橫流人爭取之以供
炊爨宋金間因以供陶冶之用故謂之冶河
又曰運糧河今在平山縣北合河口北入滹沱
綿蔓水 源出山西流經井陘南門外合甘陶
河水經注綿蔓水上承桃水水出樂平郡之
上艾縣東逕靖陽亭南故關城也又北流至
井陘關下注澤發水亂流東北逕常山蒲吾
縣西桃水南逕蒲吾縣故城西又東南逕桑

中縣故城北又東南逕綿蔓縣故城北自下
通謂之綿蔓水

嵩陽河 一作松陽河源出楸山至靈壽入滹
沱又有淤泥河亦曰溫泉自靈壽縣東來入
之

沕沕水 一作沕沕水在平山縣西一百里方
輿紀要沕沕水自山半湧出達於平地灌田
數十頃明正德二年於水口建城置戍平山

縣志此水泉出山半其聲沕沕故名

微水 在井陘縣東北一十五里南流入甘陶

河跨微水上有大石橋相傳為晉省孀婦某氏施願而建該處為燕晉通行驛路必經之處乾隆五十七八年間橋壞五十九年大水橋傾圮每遇水漲需舡濟渡宜復建以通行

族

井陘水

即鹿泉水也東北流屈經陳餘壘又

東注綿蔓水水經注鹿泉水一名陞水

大唐渠

在獲鹿縣東北十里唐書地理志自

石邑引大唐渠東南流四十三里入太白渠

七里澗

在井陘縣東北滙諸山溪之水南入

綿蔓河

西韓河

方輿紀要西韓河韓信伐趙時經此

故名源發正定縣北大鳴泉明宣德初邑令

李守義引水灌田查正定縣境大鳴泉之外

有小鳴泉鵬橋泉涼樓坡泉旺泉均入滹沱
藏河 寰宇記房山在平山縣西北藏水出焉
東南流入滹沱河

三陽河 萬歷四年邑令周應中浚治導入滹
沱

以上諸水俱入滹沱河

滄陽河

滄水發源

郭德府武安縣於鼓山之麓

而上游八字澗浸淫之

水亦入焉東南行二十里許與黑龍洞水匯其
流始大魏都賦云滄水出神麋山神麋山即黑
龍洞也其水沸騰如湯在釜隆冬不冰遂以得
名經磁州城南東北行蜿蜒一百二十里入邯
鄲界往時漳滄合流在磁州東北五里開河村
漳得滄助每於漲溢時大為民害明成化十一
年州判張埏塞其交通之口疏滄北流漳漸遠

徒二水遂分滄水由閻家渡東北行歷邯鄲永
年至曲周之東橋復與漳水合流康熙二十二
三年開漳水東行閏十載至康熙三十三年春
復歸故道六月間二水仍分漳水東流至今矣
自曲周而下滄水經雞澤平鄉任縣至隆平之
牛家河又九十里至寧晉之鋪頭又十里至孝
口漳滄又合流為一又十里至冀州之王家庄
乃與滹沱合其水愈大又二十里至冀州之隄
北又二十里至衡水之浪子橋又七十里至衡

水之石橋橋於乾隆三十年制府方恪敏奏修欽賜名為安濟橋又四

十里至武邑之圈頭又三十里至武邑之趙橋

又二十里至武邑之小汜又二十里至獻縣之

大園口

土音戴河口即完固口在獻縣西南十八里

乃分而為二股

一股東流十五里至單家橋一股北流三十里

至臧家橋其由單家橋者六十里至淮鎮又四

十里至高川俱獻縣境又五十里至交河縣界

又六十里至滄州之杜梨木今屬青縣又二十

里至青縣入運河其由臧家橋者六十里至河

開縣沙河橋又六十里至河開縣龍花橋又大
十里至大城縣之南趙府又六十里至王家口
屬文安大城兩縣又六十里至信安屬永清霸
州文安三州縣又經由唐二府至東湖港又至
褚河港又至王慶地自西沽入天津衛此滏陽
古河行水之道也以今河考之滏陽河由磁州
至邯鄲會渚沁二水經永年曲周雞澤平鄉任
縣隆平貫寧晉大泊而出自漳水南徙逕魏縣
元城抵館陶入衛不與滏會滏水獨行自乾隆

二十四年至嘉慶五年澄水皆由寧晉營上村
與漳沱合流六年以後遂穿東泊而出矣復考
澄漳合流始自前明永樂九年逮成化正德間
忽分忽合遷徙無定哉

朝順治二年漳澄漳三水合於冀州康熙五十三
四五六等年并雍正元年漳沱泛濫頻為泊害
其時澄得漳水之助其清流尚可抵濁自康熙
三十六年漳水南徙入衛分流漸微又數年上
流盡塞今廣宗鉅鹿平鄉冀州等境故道尚開

段可指蓋滄自失小漳之助而出口之處類為
潯水橫截前此附泊之民議開浚口而新莫百
姓復以死控阻數年聚訟不決皆由於此至嘉
慶六年大水滄河由新立庄漫口東注經孟家
庄辛庄如頭白家庄出埝口埝口乃昔日小漳
故道也今滄河既不由營上村入潯則營疔疔
亦非經久會流之處治之之法固欲為隆寧計
亦當為新莫慮昔滄有漳助滄可敵潯今漳去
而滄弱勢孤若治不助潯即可助滄如累濬治

之議行則滏河現在經由之孟家庄白家庄一帶亦當於東岸攔築長隄以為新興保障而新開河侯臯一帶並須疏濬俾節節通流庶河經流久遠否則區區劉公一隄新劉公隄在不足為長城之倚也

謹按滏陽一河乃益運要道所過之處疏渠灌稻沿河田畝均收此水之利元郭子敬曾言可灌田三千頃至明高汝行朱泰等建惠民等八閘嗣因磁民築壩截流以專其利而

下流八閘盡廢 怡賢親王奏請將磁州改
隸直省所以均其利也今廣平府城隄之北
尚有惠民閘舊址然閘外地已淤高不能宣
洩前者制府方官保於斜路橋開溝一道引
水入牛尾河并於溝口建閘一座以防倒漾
至今賴之惟滏陽一至北泊輒為滹沱阻遏
今埝口雖暫通流而滹水渾濁斷不能不復
淤塞於此而再有淤墊則鹽運更無別路可
通可不預為綢繆哉

入滏諸河

渚河 又名塔水在邯鄲縣南五里其源有二俱發源於紫山經城西南入滏

沁河 在邯鄲縣西一里其源亦有二亦出於

紫山經城西入滏

按名勝志渚心二水即古牛首水也水經注牛首水出邯鄲縣西堵山東流分為二水入邯鄲城逕溫明殿鼓臺又東逕邯阜東流出城合成一川又東澄而為渚沁水又東入白

渠

輸龍河 洛河文流在邯鄲合沁水

落漢水 即水經所謂薄洛津在平鄉縣五里

洛河分流也下合滏陽河寰宇記故薄洛邑
也語訛為落漢

賀蘭河 在磁州西北三十里源出賀蘭山東
南流入滏陽河

泥河 在磁州西十五里源出本村沙石山橋
下西北流入滏陽河

羊渠河 在磁州西三十里源出本村之西半

里許西南流入滏陽河

牯牛河 在磁州北三十里其源有二一出蔣

村為北河一出林壇鋪為南河二水至落子

村始合流至東城橋入滏陽

澗河 在磁州北四十里源出河口村東北經

邯鄲縣北入滏陽

玉泉池 在磁州西北二十里溢泉營方圓卅

許水從地中湧出下流入滏

八字澗 在磁州西北七十里支分派引流為

八字東南入滏河

賈葛潭 在廣平府城西受邯鄲西山之水東

注滏

廣盛泉 在磁州西南神麇山東入滏

南北二泊

二治乃正順廣三即諸河匯歸之數皆古大陸澤地泊之在任縣者為南泊在寧晉者為北泊土人復以寧晉之遙南為南治遙北為北泊又以滏河隈東為東泊任泊上承澧洛等十八河之水寧泊西受洹泚槐午等十二河之水其中洹澧聖水牛尾百泉數河恒流不竭其餘皆無來源春冬時常枯涸每遇雨集漲發均恃滏河以為宣洩之路南泊舊有五溝分洩泊水雍正

年間，怡賢親王查勘時已僅存雞爪張滋二
溝且地形已成倒灌略為開濬洩水無多故於
穆家口至羊毛圪塔四十里間大加疏濬並修
澧河古隄而南泊治復就濬沱新決之口開浚
黃兒營營上村河槽而北泊亦暢流無阻乾隆
五十九年濬沱大漲南軼北泊積淤丈許葦盡
沒項蔭平西北一帶在水中者六十餘村北泊
中新開河新開河即舊誌所載候阜村水口方宮保因勢開河史家嘴
七里河盡皆闌淤蔭寧水患無歲不告然泊水

無可濟治是在治溢與濇耳說見滄陽河

謹按古之大陸澤北至東鹿南極廣平郡城
皆其地今僅以任泊為大陸澤亦名廣阿澤
土人又謂之張家泊元和志大陸澤一名鉅
鹿在任縣西北五里東西二十里南北三十
里北有襦家口河洩水入寧泊東有雞爪張
滋等五溝洩水入滄水一泛漲下游隆平首
受其害雖縣之東南地勢尚高不致淹浸西
北與寧晉毗連各村田廬盡被水圍為今之

計惟除害之不暇。違言興利哉。寧泊即古葫
蘆河也。考舊志葫蘆河跨寧晉冀州境。宋熙
寧八年發夫增治葫蘆河。蓋水漲為患自古
已然。今冀州西北尚有大小葫蘆灣二村。按
其方位北泊本甚廣大。此寧晉註所以有東
泊之說。故凡畿輔通志所載水入葫蘆河者
皆入寧泊者也。泊之治否視滌水為源。虛滌
陽下流既暢則泊中泥沙嘴七里河皆當濬
治。

入泊諸水附

澧河 在南和縣西十里即百泉河下流也自
邢台縣流經縣界合洪河東注任縣又東入
大陸澤又任縣志澧河其源有二一自府西
一自洪河分流經南和入任縣至虎垣台前
入雞爪河

新澧河 在隆平縣東十五里即澧水下流明
嘉靖十六年知縣王冕改疏入泊

沽河 在平鄉縣西十里自雞澤縣流入與南

和縣分界又沙河在洛河西五里北流合為
一經南和下任縣為沙洛河至石家溝入洎
百泉河 在順德府東南八里風門山其源也
泉從地湧其流無數故曰百泉一曰湯水亦
曰鴛鴦水一曰七里河引流而東入南和縣
界為澧河

按畿輔通志七里河在順德府城南源出清
風嶺東注於百泉是又百泉與七里各自一
河也

牛尾河 即響水河源出順德府西北之紫金
泉與達活泉會經廣平府城北直達任泊

野河 在順德府城西北一百二十里即古渠
水也源出西山引流七十二道下流至任縣
合澧河

沁河 一名渴河源出山西遼州流經沁河縣
南分為二支一入廣平府之永年縣經雞澤
與洺河會為沁洺河一由縣南為程寨河亦
曰新沁河經雞澤南和至任縣之東盟臺達

泊

柳林河 在聖水井西源出龍騰山

順水河 百泉水之支流也自邢台南和入任

縣界會牛尾河至趙五家坑臺達泊又殷陳

溝河亦百泉河南支也由南和逕任縣合澧

聖水河 發源任縣西北十五里聖水井泉在

桑村聖女祠下湧出成河其南有蔡河合入

行五里許有馬河合入又東注於達活河

蔡河 源出順德府西山經邢台入任縣界分

為二一南向環城為濠一北向東折穿城而出合濠水東流入聖水河又序景革記蔡水發源達活泉稍東與紫金泉合踰三十餘里至任縣西郭昔人於此醜為二渠

馬河 即古龍騰水也源出內邱縣龍騰山東流至縣分為二一東經小馬村為小馬河一東南流入唐山至任縣合聖水河任縣志馬河舊由馮村北流入洎今隨勢自北引合聖水河

李陽河 發源自且停山之東有二馬一自陽武川北來一自石河西即來合於內邱縣西轉北而東至唐山縣之西渠村合泚今無水
洪河 源出順德府栲栳山流經沙河縣西北納溫泉水會沙河東出合於澧

達活河 方輿紀要達活舊名蓼水出石井岡經任縣入蔡河按達活泉出順德府西北咸平中刺史柳開濬成河旁植千柳建亭其上為一郡之勝熙寧壬子泉忽淪伏不見元豐

改元之歲太守王愷禱於泉上不越月而復
出因改名再來泉

白馬河 源出內邱凌霄山經順德府城北又
東入於任縣

狼溝河 即邢台百泉水分流也自沙河縣流
經南和合澧

劉累河 上自雞澤縣西來經平鄉縣西下入
任泊

以上諸水俱入南泊

汶河 發源獲鹿之連花營泮北村其始不過
二泉耳至栳城西南合北汶河而流始大過
趙州至寧晉入葫蘆河即水經法所謂斯汶
水也唐書寧晉令程處默於汶河鑿新渠過
城南至鋪頭村入滏河近河田畝咸資灌溉
堵龍河 源自山西流經元氏縣北東至趙州
合汶

沙河 有三派一發源元氏縣西山經獲鹿之
封龍山至栳城與汶河合一發源贊皇縣東

流經臨城縣東北會泚即古彭水也一係栢
鄉縣野河別流亦曰沙河經隆平縣王橋村
東北注寧晉縣葫蘆河此三者名謂雖同源
流各異

泚河 源出臨城敦與山東南流合沙河經內
邱唐山隆平入滏河山海經敦與之山泚水
出其陰東流注於彭水元和志臨城縣泚水
在縣南二里出白土細滑如膏以之濯錦色
若霜雪方輿紀要泚水將至城五里斷伏不

流二百餘步復出東流經鉤盤山下合沙河
俗名三斷綠楊河臨城縣志泚水在縣西史
稱韓信斬陳餘於泚水上即此

按泚水有二在元氏者為北泚水在臨城者
為南泚水同名異流近有以二水混而為一
者不可不辨

北泚水源出封龍山流
經元氏縣南合槐河

泚水 即濟水源發贊皇山中經臨城縣東流
至高邑縣東南合槐河漢書地理志濟水東
至廩陶入泚此今昔川流不同之處

槐河 源出贊皇縣經元氏高邑逶栢鄉入寧
晉縣蒯盧河亦曰黑水名勝志黑水一名漣
河亦曰白溝河

午河 源出太行之麓繞栢鄉縣正南故以午
名下流合於野河

按栢鄉志午與槐為二水隆平志槐午為一
河

泥河 源出臨城縣泥河村北岡東入泚

七里河 河身在寧泊中距縣城二十里地名

宋家村為槐午諸河之下游泊水漲發由七里河歸滏乾隆五十九年大水河遂湮今欲洩泊水當尋舊槽浚之

鰍河 即寢水也在寧晉縣東十里金史云鰍河自藁城迤南栾城趙州迤東至寧晉入滏陽河今流已壅塞上流渠雖存而無水 怡賢親王查辦水利時循鰍河築小隄以禦渰水今已冲刷無存

老僧河 在臨平縣東北六里下流入槐武河

名勝志相傳有老僧尋水至此以杖卓地泉湧成溪故名

神泉河 源出唐山縣之亮山流經隆平縣北五里入老僧河

魏河 源出贊皇縣黃沙嶺東北流入元氏縣與洺水合又東入高邑縣一曰渡水

金河 源出井陘經獲鹿元氏至栾城合洺明萬歷中河流煙塞知縣蘇繼歐修濬改名金水河

以上諸水俱入北泊